

舊唐書文苑本傳

劉

杜甫字子美本襄陽人後徙河南鞏縣

朱注晉書杜預字元振京兆人徙居襄陽唐書杜預字元振京兆人徙居襄陽唐書

周書杜叔昆傳云其先京兆人徙居襄陽唐書

表載襄陽杜氏出自預少子尹公自稱預十三葉孫其為

尹之後明矣後又自襄陽徙居河南故公之田園都在鞏

洛其族望本出杜陵故詩每稱杜陵野老進封西岳賦表

亦云臣本杜陵諸生也曾祖依藝位終鞏令祖審言終膳部員外郎

自有傳父閑終奉天令甫天寶初當作開元末應進士不第天

寶末獻三大禮賦玄宗奇之召試文章授京兆府兵曹參

軍十五載祿山陷京師肅宗徵兵靈武甫自京師宵遁赴

河西謁肅宗於彭原拜右拾遺

朱注公自京師西竄謁肅宗於彭原舊史誤也房

琯布衣時與甫善時琯為宰相請自帥師討賊帝許之是

時甫年

年十月瑄兵敗於陳濤斜明年春瑄罷瑄上疏言瑄有

才不宜罷免肅宗怒貶瑄為刺史出甫為華州司功參軍

時關輔亂離穀食踊貴甫寓居成州同谷縣自負薪採枲

兒女餓殍者數人久之召補京兆府功曹

朱注公不赴京兆功曹乃武再

帥劔南時史誤辯詳詩集

上元二年冬

當作廣德二年春

黃門侍郎鄭國公嚴

武鎮成都奏為節度參謀檢校尚書工部員外郎賜緋魚

袋

據新書在武再帥劔南時表薦者

武與甫世舊待遇甚隆甫性褊躁無

器度恃恩放恣

此句當刪

嘗憑醉登武之牀瞪眎武曰嚴挺之

乃有此兒武雖急暴不以為忤甫於成都浣花里種竹植

樹紅盧枕江縱酒嘯咏與田夫野老相狎蕩無拘檢嚴武

過之有時不冠其倣誕如此永泰元年夏武卒甫無所依

及郭英又代武鎮成都英又武人麤暴無能刺謁乃遊東

蜀依高適既

一有至字

而適卒

宋注適自西川入朝在嚴武再鎮前拜散騎常侍乃卒舊書誤

也寶應元年避徐知道之亂入梓州居東川者三年亦未嘗依高適辯詳年譜是歲崔寧殺英又

楊子琳攻西川蜀中大亂甫以其家避亂荆楚扁舟下峽

未維舟而江陵亂

朱注公居江陵及公安頗久其時江陵無警舊書曰未維舟及江陵亂者誤也

公嘗往來梓閬間新史云往來梓夔亦誤二史載居夔下峽事皆不詳乃泝沿湘流遊衡山

寓居耒陽甫嘗遊岳廟為暴水所阻旬日不得食耒陽聶

令知之自櫂舟迎甫而還永泰二年

當作太曆五年

啗牛肉白酒

一夕而卒於耒陽

唐詩記事謂公卒於岳陽

時年五

五

落湖湘而卒元和中宗武子嗣業自哀

於偃師西北首陽山之前天寶末詩人甫與李白齊名而

白自負文格放達譏甫齷齪有飯顆山頭之嘲誚

朱注唐本
事詩

太白戲杜甫飯顆山頭逢杜甫頭戴笠子曰卓午借問別
來太瘦生總爲從前作詩苦蓋譏其拘束也西陽雜俎衆
言李白稚戲杜甫考功飯顆山頭之句白有祠亭上宴別杜
考功詩按飯顆山頭詩太白集不載柯古所言特據流俗
傳聞又子美未嘗爲考功其誣可不攻而破劉昫以之入史謬也茗溪漁隱亦有辯

元和中詞人元

稹論李杜之優劣曰余讀詩至杜子美云云特病癩未就

爾自後屬文者以稹論爲是甫有集六十卷

元稹序銘
見末卷

新唐書本傳

宋祁

甫字子美少貧不自振客吳楚齊趙間李邕奇其材先往

見之舉進士不中第困長安

本集原注 宣宗開元二十五年甫預京兆薦貢而考工下

之天寶十三載宣宗朝獻太清宮饗廟及郊甫奏賦三篇

朱氏曰獻賦在天寶十載新史誤云十三載辨詳詩集

帝奇之使待制集賢院命宰

相試文章擢河西尉不拜改右衛率府胄曹參軍數上賦

頌因高自稱道且言先臣恕預以來承儒守官十一世迨

審言以文章顯中宗時臣賴緒業自七歲屬辭且四十年

然衣不蓋體常寄食於人竊恐轉死溝壑伏惟天子哀憐

之若令執先臣故事拔泥塗之久辱則臣之述作雖不足

鼓吹六經先鳴諸子至沉鬱頓挫隨時敏給揚雄枚臯可

企及也有臣如此陛下其忍棄之會

天寶十四載安祿山反於范陽明年改元至德六月祿山犯長安車駕幸劍外七月即不盡武甫避走三

川三川縣屬鄜州肅宗立自鄜州羸服欲奔行在爲賊所得至德

二載亡走鳳翔上謁拜左拾遺與房琯爲布衣交琯時敗

陳濤斜又以客董廷蘭罷宰相甫上疏言罪細不宜免大

臣帝怒詔三司推一作雜問宰相張鎰曰甫若抵罪絕言者

路帝乃解甫謝且稱琯宰相子少自樹立爲醇儒有大臣

體時論許琯才堪公輔陛下果委而相之觀其淡念主憂

義形於色然性失於簡酷嗜鼓琴廷蘭託琯門下貧疾昏

老依倚爲非琯愛惜人情一至玷汚臣歎其功名未就志

氣挫衄昆六切覬陛下棄細錄大所以冒死稱述涉近訐激

違忤聖心陛下赦臣百死再賜骸骨天下之幸非臣獨蒙

然帝自是不甚省錄時所在寇奪甫家寓鄜彌年艱窶孺

弱至餓死

朱氏曰公之孺弱餓死乃天寶十四載自京兆赴奉先時事若往鄜迎家則在至德二載新史

蓋誤當以奉先詠懷詩正之

因許甫自往省視從還京師出為華州司

功參軍

原注乾元元年甫自左拾遺移華州掾

關輔饑飢棄官去客秦州負

薪採橡栗自給流落劔南

乾元二年夏甫棄官去華之秦十月發秦州十二月離同谷至

劔南結廬成都西郭召補京兆功曹參軍不至會嚴武節度

劔南東西川往依焉

原注廣德元年甫補京兆功曹不赴明年鄭國公嚴武復出節度劔南東

西兩川

武再帥劔南表為參謀檢校工部員外郎武以世舊

待甫甚善親詣

一作至

其家甫見之或時不巾而性褊躁傲

誕嘗登武牀瞪視曰嚴挺之乃有此兒武亦暴猛外若不
爲忤中銜之一日欲殺甫及梓州刺史章彝集吏於門武

將出冠鉤于簾三左右白其母奔救得止獨殺彝

朱氏曰此說出

雲溪友議不可信辯詳詩集

曾嘗曰以甫詩考之嚴武來鎮蜀章彝已交甲入觀史當失之

武卒崔旰

等亂甫往來梓夔開大曆中出瞿塘下江陵泝沅湘以登

衡山因客耒陽

耒陽縣在衡州之東南

游嶽祠大水遽至涉旬不得

食縣令具舟迎之乃得還令嘗饋牛炙白酒大醉一夕

或作

卒年五十九

新書謂公卒於牛肉白酒此踵舊史之訛黃伯思已力辯其誣詳見年譜末條本

集原注云子美之卒當在衡湘之間秋冬之際元氏墓誌略見本末唐史氏惑於劉斧撫遺小說之言曰子美由蜀

往來陽以詩酒自適一日過江上洲中飲醉不能復歸宿酒家是夕江水暴漲子美爲驚湍漂泛其尸不知落於何

處立宗還南內思子美詔求之羈令乃積空土於汪上曰
子美爲白酒牛炙脹飢而死葬於此矣以此聞立宗故唐
史氏因有牛炙白酒大醉一夕卒之語信哉史氏之訛矣
按此說欲辯牛酒飲死之誣而反坐以漲水漂溺之慘
與李觀補傳同甫放曠不自檢好論天下大事高而不切
出俗子妄撰耳

少與李白齊名時號李杜嘗從白及高適過汴州酒酣登

吹臺今東京城東南隅繁臺是也慷慨懷古人莫測也數嘗寇亂挺節

無所汙爲歌詩傷時橈一作澆弱情不忘君人憐其忠云

贊曰唐興詩人承陳隋風流浮靡相矜至宋之間沈佺期

等研揣聲音浮切不差而號律詩競相沿襲逮開元間稍

裁以雅正然恃華者質反好麗者壯違人得一槩皆自名

所長至甫渾涵汪茫千彙萬狀兼古今而有之他人不足

上詩集注
本傳

甫乃厭餘殘膏賸馥沾丐後人多矣故元稹謂詩人已來
未有如子美者甫又善陳時事律切精藻至千言不少衰
世號詩史昌黎韓愈於文章慎許可至於歌詩獨推曰李
杜文章在光焰萬丈長誠可信云

鰲按舊書記事畧而論文詳備載元稹原序亦失史家
裁制之法新書記事稍詳其論贊一段簡括遒勁頗類
歐史筆意但二史均有差謬牛酒飲死之慘舊史既註
於歿後嚴武欲殺之端新史復謗於生前皆疑案之當
剖者茲採前人諸說足以一雪史家沿謬矣又按兩
史記事多有舛誤杜傳尚然其餘差謬者亦常據杜詩
正之如上元二年夏段子璋反次年公作去秋行知秋
日尚未平也史謂四月討平者誤矣寶應元年嚴武以
應召入朝有寄答杜詩九月猶在巴山通鑑謂是夏六
月武除西川節度爲徐知道阻拒誤矣大曆元年杜贈
李丈詩稱李勉爲汧公史謂大曆五年勉自嶺南
還京始封汧公誤矣宜乎當時有糾謬之作也

杜氏世系

一代

當陽侯預

二代

錫

三代

四代

五代

六代

七代

乾光漸

齊司徒
右長史
太守
梁邊城

八代

九代

十代

十一代

十二代

十三代

十四代

十五代

叔毗

某

依藝

審言

閑

甫

宗文

宗武

嗣業

周破州
刺史見
孝義傳
子廉卿

隋河內郡
司功參軍
獲嘉縣令
見萬年縣
君京兆杜
氏墓誌

監察御
史河南
鞏縣令

修文館
學士尚
書膳部
員外郎

兗州司馬
終奉天令
并見國
史

專歷開
封尉

登任武
康尉

甫弟有
穎觀豐
占水知
行列故
不字

氏出自預唐宰相世系表杜預四子錫躋耽尹襄陽杜
藝甫祭當陽君文稱十三葉孫甫甫為張之後未知預
四子誰為甫之祖舊譜以甫為尹之後此何據也唐舊
書杜易簡傳易簡襄州襄陽人周硤州刺史叔毗曾孫
易簡從祖弟審言易簡審言同出叔毗下獲嘉為甫高
祖即硤州之子也周書杜叔毗傳其先京兆杜陵人徙
居襄陽祖乾光齊右司徒右長史父漸梁邊城太守此
世系之較然可考者以世系表推之尹下六代為襲池
陽侯洪泰與乾光為行洪泰生二子祖悅顯與漸為行
顯生三子景仲景秀景恭與叔毗為行叔毗景恭皆仕
周其子皆仕隋叔毗之子為廉卿則未知其為易簡之
祖與審言之祖與舊譜以叔毗為顯子景仲叔毗並系
顯下紕繆極矣顏魯公撰杜濟神道碑為征南十四代
孫甫有示從孫濟詩斯為合矣世系表濟與位同出景
秀下並征南十四代而詩稱從弟位抑又何與宋人謂
世系表承逐家譜牒多所謬誤耳按陸務觀詩注少
陵之後有徙大堙大逕者戴復古詩中有杜子野趙孟
頌詩中有杜伯玉楊載所記有杜舉今岳州
平江縣杜富猶藏拾遺敕命喜文人子孫千年不替也

杜工部年譜

唐睿宗先天元年壬子

即景雲三年正月改元太極五月改延和八月改先天

甫生

呂汲公詩譜云墓誌本傳皆言公年五十九歲卒於大曆五年庚戌則當生於是年蔡興宗魯訥黃

鶴諸譜同

蔡夢弼曰按唐書本傳及元稹墓誌晉當

陽成侯預下十世而生依藝以監察御史今於河南府

之鞏縣依藝生審言審言善詩官至修文館學士尚

書膳部員外郎審言生閑京兆府奉天縣令閑生甫

元宗開元元年癸丑

即先天二年也七月歸政於帝十二月改元

開元三年乙卯

公舞劍行序云開元三年余尚童稚記於郾城觀公孫氏舞劍器黃鶴曰公七歲能詩則四歲記事非不能矣

呂譜疑其年必有誤非也

開元六年戊午

公壯遊詩云七齡思卽壯開口詠鳳皇又進鵬賦表云自七歲所綴詩筆向四十載矣約于有餘篇

開元八年庚申

壯遊詩云九齡書大字有作成一囊

開元十四年丙寅

壯遊詩云往昔十四五出遊翰墨塲斯文崔魏徒以我似班揚

開元十九年辛未

公年二十遊吳越黃曰公進大禮賦表云浪跡於陛下

越乃在開元十九年自是下姑蘇渡浙江遊剡溪久之方歸朱鶴齡曰公哭韋之晉詩悽愴郇瑕邑差池弱冠年又酬寇侍御詩往別郇瑕地於今四十年郇瑕晉地也公弱冠之時嘗遊晉地當是遊晉後方爲吳越之遊也

開元二十三年乙亥

公自吳越歸赴京兆貢舉不第

黃曰公本傳嘗舉進士不第故壯遊詩云歸帆

拂天姥中歲貢舊鄉忤下考功第獨辭京兆堂朱按史唐初考功即掌貢舉至開元二十四年考功即李昂爲舉人詆訶帝以員外郎望輕徙禮部以待郎主之則公下考功第當在二十三年蓋唐制年年貢士也選舉志每歲仲冬州縣館監舉其成者送之尚書省舊史云天寶初應進士不第非

開元二十五年丁丑

公遊齊趙

朱曰按壯遊詩忤下考功第獨辭京尹堂放蕩齊趙間裘馬頗清狂是下第後即遊山東

之明證但未詳起於何年今姑依魯訢黃鶴諸譜又按壯遊詩不言遊兖州而集中頗多兖州所作蓋兖州與齊州接境公遊齊州蓋在兖州趨庭之後也

開元二十九年辛巳

公年三十在東都

是年寒食祭遠祖當陽君於洛之首陽

天寶元年壬午

正月改元

公在東都

是年公姑萬年縣君卒於東京仁風里六月還殯河南縣公作墓誌

天寶三載甲申

五月改元為載

公在東都

五月公祖母范陽太君卒於陳畱之私第八月歸葬偃師公作墓誌

白自翰林放歸客遊梁宋齊魯相從賦詩正在天寶三四載間朱旦按舊譜謂開元二十五年公從高適李

白過汴州登吹臺懷古以寄李十二白詩證之其謬信矣

天寶四載乙酉

公在齊州

是年撰皇甫淑妃神道碑夏陪李北海邕宴歷下亭高適李白俱有贈邕詩當是

同時白有魯郡石門別杜二甫詩或四五載之秋也